



Broj: UP-I-KSI-09-06/24  
Datum: 28.01.2025. godine

Na osnovu člana 25. stav (1) tačka a) i b) i člana 32. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21) Komisija za odlučivanje o sukobu interesa, postupajući po službenoj dužnosti u predmetu utvrđivanja povrede odredaba Zakona o sprečavanju sukoba interesa u institucijama Brčko distrikta Bosne i Hercegovine od strane M. T. nosioca javne funkcije, odgovornog lica, direktora, Ul. [REDACTED], nosioca javne funkcije, na 112. sjednici, održanoj dana 28.01.2025.godine, donosi

#### RJEŠENJE

1. **UTVRĐUJE SE** da je M. T., nosilac javne funkcije, kao odgovorno lice, direktor [REDACTED] Brčko distrikta Bosne i Hercegovine, Ul. [REDACTED] Brčko distrikta Bosne i Hercegovine, postupio protivno članu 18. stav (1) Zakona o sprečavanju sukoba interesa u institucijama Brčko distrikta BiH, na način da nije obavijestio Komisiju za odlučivanje o sukobu interesa o prestanku odnosno početku obavljanja javne funkcije direktora [REDACTED] Brčko distrikta Bosne i Hercegovine, pravnog lica koje je osnovao Brčko distrikt Bosne i Hercegovine u roku od 15 dana od dana početka, odnosno prestanka obavljanja javne funkcije.
2. Za učinjenu povredu odredaba Zakona o sprečavanju sukoba interesa u institucijama Brčko distrikta Bosne i Hercegovine M. T., nosiocu javne funkcije, kao odgovornom licu, direktoru [REDACTED] Brčko distrikta Bosne i Hercegovine, saglasno odredbama člana 40. Zakona o sprečavanju sukoba interesa u institucijama Brčko distrikta Bosne i Hercegovine, izriče se novčana kazna u iznosu od 500,00 KM, koju je imenovani dužan uplatiti na račun i u korist budžeta Brčko distrikta Bosne i Hercegovine, račun primaoca 552-000-18267624-57, vrsta prihoda 723113-novčane kazne i troškovi postupka, budžetska organizacija 3301001, najkasnije u roku od 15 dana od dana dostave Rješenja, pod prijetnjom prinudnog izvršenja, te da dostavi dokaz o uplati novčane kazne u prostorije Komisije za odlučivanje o sukobu interesa.

#### OBRAZLOŽENJE

M. T. je obnašao javnu funkciju direktora [REDACTED] Brčko distrikta BiH od 15.06.2020. godine do 07.06.2024. godine na osnovu Odluke o izboru i imenovanju najuspješnijeg kandidata za direktora [REDACTED] Brčko distrikta BiH broj: [REDACTED] od 08.06.2020.

godine te obnaša takođe u drugom mandatu javnu funkciju direktora na osnovu Odluke o izboru i imenovanju najuspješnijeg kandidata za direktora [REDACTED] Brčko distrikta BiH broj: [REDACTED] od 07.06.2024. godine, te je shodno članu 2. stav (1) tačka b) i tačka c) Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Shodno Zakonu „javna funkcija“ je funkcija izabranog ili imenovanog lica u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština Brčko distrikta Bosne i Hercegovine, odnosno Vlada Brčko distrikta Bosne i Hercegovine, ukoliko drugim zakonom nije drugačije propisano, a „nosilac javne funkcije“ je izabrano ili imenovano lice u organima i institucijama Distrikta, u pravnim licima koje osniva Distrikt kao i u pravnim licima kojima je povjereno vršenje javnog ovlaštenja i lica koje je imenovano, odnosno na čiji izbor ili imenovanje saglasnost daje Skupština, odnosno Vlada, ukoliko drugim zakonom nije drugačije propisano.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Prilikom uvida u Registar javnih funkcija i nosilaca javnih funkcija Komisije za odlučivanje o sukobu interesa, uočeno je da je M. T. javnu funkciju direktora [REDACTED] Brčko distrikta BiH u prvom četverogodišnjem mandatu obavljao na osnovu Odluke o izboru i imenovanju najuspješnijeg kandidata za direktora [REDACTED] Brčko distrikta BiH broj: [REDACTED] od 08.06.2020. godine i u drugom četverogodišnjem mandatu na osnovu Odluke o izboru i imenovanju najuspješnijeg kandidata za direktora [REDACTED] Brčko distrikta BiH broj: [REDACTED] od 07.06.2024. godine. Provjerom dostavljenih podataka od strane [REDACTED] Brčko distrikta BiH, uočeno je da je tokom 2024. godine od strane ovog pravnog lica koje je osnovao Distrikt, a čije odgovorno lice je direktor M. T., Komisiji za odlučivanje o sukobu interesa nije dostavilo podatke o prestanku obavljanja javne funkcije po isteku mandata shodno članu 18. stav (1) Zakonu o sprečavanju sukoba interesa u institucijama Brčko distrikta BiH kojim je propisano da organ ili institucija Distrikta ili pravno lice koje osniva Distrikt, u kojem nosilac javne funkcije obavlja javnu funkciju, dužno je obavijestiti Komisiju o početku, odnosno prestanku obavljanja javne funkcije nosioca javne funkcije u roku od 15 (petnaest) dana od dana početka, odnosno prestanka obavljanja javne funkcije nego je Komisiji za odlučivanje o sukobu interesa tek dana 01.11.2024. godine od strane [REDACTED] Brčko distrikta BiH dostavljen popunjen Obrazac o javnoj funkciji i nosiocu javne funkcije-Aneks I za direktora [REDACTED] Brčko distrikta BiH, izabranog Odlukom o izboru i imenovanju najuspješnijeg kandidata za direktora [REDACTED] Brčko distrikta BiH broj: [REDACTED] od 07.06.2024. godine za ponovni mandat od 4 godine znači radi se o zakašnjenju od oko 5 mjeseci u izvršavanju ove zakonske obaveze a obavještenje o prestanku prethodnog mandata direktora [REDACTED] Brčko distrikta BiH Komisiji nikad nije dostavljeno.

Shodno navedenom, dana 22.11.2024. godine, Komisija za odlučivanje o sukobu interesa po službenoj dužnosti, Zaključkom broj: UP-I-KSI-09-06/24, pokrenula je postupak protiv odgovornog lica, M.T., nosioca javne funkcije, direktora [REDACTED] Brčko distrikta Bosne i Hercegovine, zbog sumnje da nije obavijestio Komisiju za odlučivanje o sukobu interesa o prestanku odnosno početku obavljanja javne funkcije direktora [REDACTED] Brčko distrikta Bosne i Hercegovine kao pravnog lica koje je osnovao Brčko distrikt BiH, u roku od 15 (petnaest) dana od dana početka odnosno

prestanka obavljanja javne funkcije, čime je postupio protivno odredbi člana 18. stav (1) Zakona o sprečavanju sukoba interesa u institucijama Brčko distrikta BiH.

Direktor ██████████ Brčko distrikta Bosne i Hercegovine, M. T., kao odgovorno lice i nosilac javne funkcije je istim Zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana prijema Zaključka.

Nakon prijema Zaključka o pokretanju postupka, broj: UP-I-KSI-09-06/24 od 22.11.2024. godine, M. T. je blagovremeno dostavio Komisiji Izjašnjenje dana 09.12.2024. godine, u kojima je naveo, između ostalog, da se navedeni slučaj propuštanja dostavljanja obavještenja Komisiji u roku od 15 dana od dana imenovanja dogodio zbog kontinuiteta u obavljanju funkcije direktora ██████████ Brčko distrikta Bosne i Hercegovine odnosno ne prekidanja radnog odnosa. Imenovani navodi da po osnovu Odluke o izboru i imenovanju nauspješnijeg kandidata za direktora ██████████ Brčko distrikta Bosne i Hercegovine nije bilo potrebe za objavljivanje i prijavljivanje u fondove penzionog i zdravstvenog, te je time smatrao da nema potrebe da Komisiju obavještava o nastavku obavljanja funkcije direktora, misleći da to treba uraditi tek po prestanku navedenog radnog odnosa, odnosno po prestanku obavljanja javne funkcije.

Dana 09.12.2024. godine, M. T., direktor ██████████ Brčko distrikta Bosne i Hercegovine, uz Izjašnjenje dostavio je i obavještenje o prestanku obavljanja javne funkcije i time otklonio sve propuste koji su ga doveli do kršenja Zakona kao odgovornog lica u pravnom licu koje je osnovao Brčko distrikt Bosne i Hercegovine, te je postupio shodno Zaključku Komisije.

Članom 18. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je pravno lice koje je osnovao Brčko distrikt BiH u kojem nosilac javne funkcije obavlja javnu funkciju, dužno obavijestiti Komisiju o prestanku odnosno počeku obavljanja javne funkcije, u roku od 15 (petnaest) dana od dana početka odnosno prestanka obavljanja javne funkcije od strane nosioca javne funkcije.

Primjenom navedenih zakonskih odredaba na utvrđeno činjenično stanje, ocijenjeno je u konkretnom slučaju da postoji povreda Zakona, da M. T., direktor ██████████ Brčko distrikta Bosne i Hercegovine odnosno odgovorno lice u pravnom licu koje je osnovao Brčko distrikt Bosne i Hercegovine, kao nosilac javne funkcije, nije obavijestio Komisiju za odlučivanje o sukobu interesa o prestanku odnosno početku obavljanja javne funkcije direktora ██████████ Brčko distrikta Bosne i Hercegovine kao pravnog lica koje je osnovao Brčko distrikt Bosne i Hercegovine u roku od 15 dana od dana prestanka odnosno početka obavljanja javne funkcije, čime je postupio protivno odredbi člana 18. stav (1) Zakona o sprečavanju sukoba interesa u institucijama Brčko distrikta Bosne i Hercegovine.

Član 40. Zakona propisuje kaznu odgovornom licu u instituciji ili pravnom licu ukoliko institucija ili pravno lice ne postupe u skladu sa članom 18. stav (1) Zakona, dok je istim članom propisana i novčana kazna od 500,00 KM do 10.000,00 KM za odgovorno lice koje postupi suprotno odredbama člana 18. stav (1) Zakona.

Komisija je, shodno članu 39. i 40. Zakona o sprečavanju sukoba interesa u institucijama Brčko distrikta BiH, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona. Komisija je cijenila činjenicu da je M. T., kao odgovorno lice, direktor, a kako je naveo i u Izjašnjenju, nenamjerno propustio da podnese Aneks I Komisiji u roku od 15 dana od dana prestanka odnosno početka obavljanja javne

funkcije direktora [REDAKTIRANO] Brčko distrikta Bosne i Hercegovine te da je nakon prijema Zaključka dostavio Komisiji Obrazac o javnoj funkciji i nosiocu javne funkcije odnosno Aneks I.

Shodno ponašanju nosioca javne funkcije da je odmah nakon prijema Zaključka o pokretanju postupka i ukazivanju na sumnju u povredu člana 18. stav (1) Zakona te njegovoj opredijeljenosti imenovanog da postupi u skladu sa Zakonom, i otkloni razloge koji su ga doveli do kršenja Zakona, Komisija smatrala da su ovo olakšavajuće okolnosti i shodno iznesenom odlučila da se izrekne minimalna novčana sankcija u iznosu od 500,00 KM, kako je to navedeno u izreci dispozitiva i da ista u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4. 25, 39. i 40. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

#### POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom u Brčko distriktu BiH.

Predsjednik  
Komisije za odlučivanje o sukobu interesa

---

Admira Mujić, dipl. pravnik

#### Dostaviti:

- [REDAKTIRANO] Brčko distrikt BiH, Ul. [REDAKTIRANO], Brčko /direktor M.T.,
- Evidencija,
- Arhiva.